



Synod Inkhawmpui tawp ní a ní ta

Synod Inkhawmpui vawí 100-na neih mek chu vawíin hi a tawp ní a lo ní ta reng mai! Inkhawmpui rorel chu December 9, Inrinni khan nilengin chhunzawm a nih a ní a, zawh hman a nih loh avangin zan inkhawm bànah chhunzawm a ní. Rorelah hian Nonimation leh Pastoral lam thu te, Presbytery aṭanga lut General Agenda 37-te leh Synod Executive Committee (SEC) leh Board aṭanga thu lutte ngaihtuah a ní.

Vawíin chawh ma inkhawmah Pastor nemngheh leh Probationary Pastor dahngheh inkhawm neih a ní dawn a; Moderator Rev. R. Vanlalngbaka'n Pro. Pastor ṭang lai



mi 18 a nemnghet ang a, Pro. Pastor atana lak thar mi 18-te pawh a dahnghet dawn a ní. Nemnghehte leh dahnghehte chu Rev. Zochhuanmawia, Masihi Sangati Kendra, Bawngkawn Aizawlin a ṭawng-ṭaisak ang a, thuchah a sawi nghalang.

Chawhnu inkhawmah Moderator-in Lalpa Zanriah Sakramen a ṭheh dawn a, zan inkhawmah Rev. Dr. C. Chawng-hminglana, Moderator kal chhuakin Pathian thuchah a sawi ang. Zan inkhawmah hian inkhawmpui thlengtu Mission Veng Pastor Bial Zaipawlpuiin hla an rem dawn a, bial chhunga kohhran zaipawl pathum infinte'n hlapui-Halleluia Chorus leh Beramno an sak

zawm dawn a ní.

Inrinni tlai thlenga palai d i n h m u n hetiang hi a ní: palai zawng zawng 2,128, palai ní sa 1,287, palai thlan 801, fraternal delegate 25 leh palai

intirh tawn mi 15 an ní. Palai zinga 1,158 chu Aizawlah an riak a, Mission Veng Bial chhunga riak lut 859 an awm.

Synod Inkhawmpui vawí 100-na hi palaite leh chhimtu te, a thlengtu lama mi zawng zawngte'n tisa leh thlarauah leh kan rawngbawl zelna turah hlâwkna kan hmuh tlân ngei kan beisei. Rorel zawng zawngte pawh Kohhran leh Pathian rawngbawl na zel turah hmasawna leh ngêl nghehna a nih ngei kan beisei a; rorel bawhzuina leh tihhlawhtlinna kawngah pawh Synod lama hruiute leh kohhran mite Lalpa'n min hruiiin min véng tawn zel se, tih hi kan induhsakna a ní e.

Inkhawmpui rorel thenkhatte

DECEMBER 7, 2023 NINGANI

I. GENERAL

1. Probationary Pastor lak dan en that rawtna leh Probationary Pastor interview hun chhung ni hnih hman rawtna lutte chu sawi kawp a ni a, SEC-in lo en tha se, Synod-ah thlen leh tura tih a ni.
2. 'Pastor nemngheh thar ram chhunga dah' rawtnaah, 'Kan kal dan ngai hi a tha rih e,' tih a ni.
3. 'Pastor bial vawn term hmang zo, kum khat chauh service la neite bial danga sawn loh' rawtna chu 'Kan kal dan ngai hi a la tha e,' tih a ni.
4. 24 hours online counselling neih dan ngaihtuah chungchangah, kal dan ngai tha an ti.
5. 'Pathian biak inkhawma sawrkar thu puanzâr thin tihtawp rawtna chu, 'Kan kalpui dan hi a la tha tawke,' tih a ni.
6. Uniform Civil Code (UCC) hman ve loh rawtna chu hmalak mekna a ni tih inhrilhfiah a ni.
7. Sunday school zirlai bu, Nilai leh Beihruah Thupui bute dik taka chhut' rawtna chu mawhphurhtute'n a tul angin hmalak ni se, tih a ni.
8. Tualchhung kohhran inkhawm a bi kima inang tlanga kal chungchang chu 'Tuna kan inkhawm kalphung hi zawm theuh tur a ni e,' tiin an dah.
9. Mizoin kûtpui kan hman thin tha zawka hman rawtna chu pawmin, SEC bawhzui tura dah a ni.

DECEMBER 8, 2023 ZIRTAWPNI

1. Anpui inkawp (same sex marriage) a bo theih nana hmalak rawtna chu Synod hmalak mekna a ni a, kohhran tinah hmalak chhunzawm zel ni rawh se, tih a ni.
2. Lehkhabu tha chhiara hmasâwn theih nana hmalak rawtna chu SEC-in a tul angin lo bawh zui rawh se, tih a ni.
3. Inneih kaihhruaina inzirtir thar rawtna chu inkaihhraina kan neih mek hi inzirtir thar leh tha tih a ni a, SEC bawhzui turin an dah.
4. Contract hna hralh chungchang chu 'Kohhran duh loh zawng a ni a, SEC-in hma lo la rawh se,' an ti.
5. Kolkata leh Delhi-a administrative secretary dah rawtna pawm a ni lo.
6. Chhungkaw harsate khai chhuak zâwng tun aia nasaa hmalak pawm a ni a, SEC-in chak zawkin hma lo la rawh se, an ti.
7. Pêm upa thlan nawnte certificate pek rawtna remthi a ni a, SEC bawhzui tura dah a ni.
8. Fa lâk (adoption) chungchanga zirtirna siam rawtna pawm a ni a, SEC-in bawhzui turin an dah.
9. Synod Board/Committee-a Presbytery aiawh thu zui awm thin tihtawp rawtna pawm a ni a, term thar (2025-2026) aṭanga hman ṭan nghal tura tih a ni.
10. Synod-in vocational training/education a buatsaih mek hi sawrkar

pawmpui a nih theih nan hmalak' rawtna chu hmalak mekna a ni tih inhrilhfiah a ni.

11. Inkhawmpui rorel tawh leh kohhran practice mek tihdanglam thua finkhur taka kal rawtna chu finkhur taka kal zel ni rawh se, tih a ni.
12. Synod pêm hruaina dan 2017 en̄that rawtna an pawm a, 'SEC-in hman nghal turin lo ruahman rawh se, an ti.
13. Sakramen zirlai hmun danga awnte dân chhunga lawm luh dan kaihhruaina siam rawtna chu SEC-in, 'Sacrament zirlaite mahni kohhran ni loa lawm luh chungchangah chuan lawm luh turte awmna kohhran nena inberáwna tih chi a ni e' tiin inkaihruaina a lo siam tawh a, hei hi zawm theuh tur a ni e, tih a ni.
14. Chhungkaw kehchhia an pun zel loh nana hmalak pawm a ni a, SEC bawhzui tura dah a ni.
15. Mizo Kristian Lêngkhâwm Hlate audio-a dah thatna siam rawtna pawm a ni a, SEC bawhzui tura dah a ni.
16. Zirlaite hnena scholarship, stipend leh pocket money pêk dân en̄that chu hman nghal turin SEC-in lo en̄tha rawh se, tiin an dah.

II. SEC/BOARD AṬANGA THU LUT

1. Kum 2024 leh 2025-a thawktu pension turte chu siam̄that ngai siam̄that a ni a, pawm a ni.
2. Inkhawm tihlêm chungchanga zir chianna leh Presbytery ngaihdan khaikhawmna' ngaihlak a ni a, zir Chiangtute rawtna siam leh Presbytery ngaihdan angin kan kal dan ngaia kal hi kan tih tur a ni e, tih a ni.

3. Special ordination chungchang SEC-in a zirchianna chu pawm a ni.

DECEMBER 9, 2023 INRINNI

1. 'SHSS Boys Hostel Building sak that chungchang (SEC 302:15/2023), SEC-in a ruahman dan ngaihlak a ni a, rem tih niin, lo bawh zui rawh se, tih a ni.
2. Synod Office zauh leh siam rem chungchanga (SEC 297:42/2022; SEC 302:44/2023) ruahmanna tha tih a ni a, SEC bawhzui tura dah a ni.
3. 'Council of Churches in Mizoram kalphung leh ruangâm' (OM 9:31/2022; SEC 302:47/2023) chu pawm a ni a, a ṭul angte SEC-in lo bawh zui se, tih a ni.
4. 'Nupa chungchang dan en̄thatna' (Synod 2022; SEC 301:11/2023; SEC 302:55/2023) chu SEC-in lo en̄tha leh se, Synod-ahrawn thlen leh rawh se, tih a ni.
5. 'Synod hnuaia thawktu transfer & posting chungchang' (SEC 301:13; 302:35; OM 11:5/2023; OM 16:18/2023; SEC 303:16) ruahmanna chu rem tih a ni.
6. 'Grape tui Sakramena hman chungchang' (Synod 2022:9; SEC 301:20; OM 11:11/2023; OM 19:7/2023; SEC 303:31) chu ruahmannate ngaihlak a nih hnua kan hman ngai hi hman chhonzawm ni se, tih a ni.
7. 'Synod Pay Commission hma lakna' (Synod 2022:45; SEC 301:22; SEC 303:33) chu pawm a ni a. En̄that ngai a awm chuan SEC-in hma la se, tih a ni.

Rorel hi Inrinni chawhnu dar 3:00 thlenga thutlukna siamte a ni a, General Agenda no. 47 thleng a ni.

Pastor nemngheh turte



Lalthangliana Tochhawng

Joseph Vanlalfakawma
Renthlei

H. Vanlalhruaia



S.T. Lala



Lalhmunsanga



Lalchhuanvawra Hmar



Ramngthinglova Ralte



Lalthansanga Renthlei



C. Zaihnuia



Amos Malsawmzuala



P.C. Lalthansanga



Z. Lalduhzuala



Deepak Gautam



Andrew Lalhruaitluanga



R. Lalhlimpuia



Mahir Kumar Tarafdar



Devasi Kisku



Minthianboi

Probationary Pastor dahngheh turte



Ramthangliana Fanai



F. Lalremruata



Fredy Lalnunenga



R. Lalrinfela



Lalrinsanga



F. Lalnunpuia



David Lalnunpuia



Vanlahhlana



Lalsiamthara Tlau




C. Lalbiakhluna



John Lalhruaitluanga



Lalrinpuia Pachuau



Michael H. Lalremsanga



V. Lalnunkima



James C. Lalhmachhuana



Jibaratna Majhi



Chandra Kumar Bholon



Hangchim Ngaimong

Chibai búkna


Zolawma

Rev. Aneurin Owen*Moderator, Presbyterian Church of Wales*

Pathian khawngaihna azarah ka Mizo chhungte leh thiante hmu turin ka lo zin leh thei a. Tun tumah hian ka fapa Aled-a nen kan rawn zin a, Mizorama a rawn zin vawí khatna a ni. Synod-in phúr leh tha taka min lo dawnsawn avangin kan lawm hle.

Pathian hnathawh kaltlanga pachhe zawkte chungá thatna in lantir dan hmu theia kan awm leh, KTP leh YMA kaltlanga thalaite hmasawwna bakah Pathian thu in hriatnain hma a sawn zel hian min tilawm em em a ni.

Isua pian champhaphak Krismas hman tura kan inbuatsaih mek lai hian, angel, khawchhak mifingte leh beram pute zawmin, nausen Isua Bethlehem ran ina lo piang hmaah thingthiin kân ila, khawvel buaina leh harsatna tawh mekah muanna dilin i tawngtai zel ang u.



Aneurin Owen hi KTP dintu leh Leader hmasa ber Rev. O.W. Owen fapa a ni a, Mizorama piang leh sei lian a ni. Tunah hian Presbyterian Church of Wales-ah hotu pawimawh tak a ni mek. Mizoram ngai pawimawh em emtu, tum tam tak rawn zin tawh a ni a, KTP General Conference phei chu an rawn hman fo thin. Mizoram Synod ngai pawimawhtu, PC Wales nena kan inthlun-zawmna awm chhun a ni hial tawh awm e.

Inkhawm hun ruat

DECEMBER 10: PATHIANNI

10:00 AM : Nemngheh inkhawm

Thurin zawttu : Rev. Ramngaihawma
Khangte, PBS

Thuchah leh : Rev. Zochhuanmawia
tawngtaisaktu : Director, MSK Bawngkawm

Zaipawl : 1. Tlangnuam Bial
2. Zonuam Bial

Dar 1:30 PM : Lalpa Zanriah Sakramen

Thehtu : Rev. R. Vanlalnghaka
Moderator

Zaipawl : 1. Melriat Bial
2. Ramhlun North Bial

Inkhawm ban : Mual inkhawm

A hmun : Kohhran Hall

Hruaitu : Moderator

Thusawitu : Rev. Aneurin Owen

Tawnglettu : Rev. Dr. Malsawmzoliana

6:30 PM : Pathian biak inkhawm

Thuhriltu : Rev. Dr. C.

Chawngghmingliana

Moderator kal chhuak

Zaipawl : 1. Mizoram Synod Choir

2. Zemabawk Bial

3. Mission Veng Bial

Zaipawlpui

Inkhawm ban : Hlaa inpawlhona

Hruaitu : Rev. Laldailova, MV

Chanchin Làwrkhawm

SYNOD THLENG TAWHTE

Synod/Assembly inkhawmpui hi a wawi 54-na thleng (kum 1976) khan inkhawmpui hi kohhran pathum - Mission Veng, Dawrpui leh Durtlangah nghah a ni a, an inthlen chhâwk thin a, kum zâwna dawn an nei zauh zauh baw.

Synod Inkhawmpui wawi 24-na, kum 1948 khan Champhaiah neih a ni a, tun thlengin Aizawl páwn lama Synod inkhawmpui nghah awm chhun a ni rih.

Tun dinhmunah Synod Inkhawmpui thleng tawh kohhran 13 an awm a, chungte chu a hnuaia mite hi an ni.

#	Kohhran/Biak In	A zat
1.	Mission Veng	- 35
	Special Synod	- 2
2.	Dawrpui	- 25
	Special Synod	- 2
3.	Durtlang	- 11
4.	Ramhlun North	- 6
5.	Bungkawn	- 4
6.	Khatla	- 4
7.	Chanmari	- 3
8.	Zarkawt	- 3
9.	Electric Veng	- 3
10.	Mission Vengthlang	- 2
11.	Republic Veng	- 2
12.	Champhai	- 1
13.	Tuikual	- 1

Zuk leh hmuam

Biak In floor mai bakah, a chhâwnng tinah, a hnuaia bera parking (tuna thingpui inna hmun) thlengin zûk leh hmuam ti lo turin kan inngen e.

RAMDANG PALAITE

Fraternal Delegate

1.	Presbyterian Church of India	2
2.	Ribhoi Synod	2
3.	KJP Synod Mihngi	2
4.	KJP Synod Sepngi	2
5.	KJP Synod Pdeng	2
6.	Karbi Anglong Synod	2
7.	Zou Synod	2
8.	Tangphai Synod	2
9.	Manipur Synod	2
10.	Tripura Synod	2
11.	Biateram Synod	3
12.	Cachar Hill Tribes	2
	TOTAL	25

Palai intirh tawnte

1.	Presbyterian Church of Wales	2
2.	Wales	2
3.	Baptist Church of Mizoram	2
4.	LIKBK	2
5.	Evangelical Church of Maraland	2
6.	Tiddim, Myanmar	4
7.	Interserve	1
	TOTAL	15

DAMDAMI LAM

Inkhawmpuiaah hian Damdawi lam buaipuitu an awm a, Biak In hnung lama Committee Room-2 ah doctor leh nurse rual an awm reng. Blood pressure endik, blood sugar endik leh tul dangte an ti thei a, taksa lama harsatna nei apiang tan pan theih an ni. Nimin Inrinni tlai dar 3:20 thleng khan mi 347 an inentir tawh.

ZUNRAM THIARNA

Biak In chhâwnng tin hnung lamah leh Gospel Centenary Building chhâwnng tinah zunram thiarna a awm. Mahni remchanna hmun pan theih a ni e.

Inkhawmpui hlimthlā



PRESBYTERY HRANG HRANG SECRETARY-TE



HLAA INPAWLHONA - 08.12.2023 ZAN



THUA INPAWLHONA - 08.12.2023 ZAN



SYNOD MISSION CHOIR



KHAWHAI NORTH BIAL ZAIPAWL



SYNOD VAWI 100 PUAL RUAI THEH ZAT MI 3,190



TV-A MIPUI EN THEIHA PETU - SYNFO TEAM

MISSION VENG BIAK IN

Kum 1898 lai vela Aizawla British Sorkar aiawha roreltu Manding Sap Lt. Col. Loch (*Sap Putara an tih mai*) chuan kum 1900 khan Biak In sakna tur bungrua - thir ban, rangva leh tul dangte a pe a, chu'ng hmang chuan tuna Synod Press sirah Biak In lian leh tha zawk sak a ni. Chutih lai chuan Biak In chu *Biak Inpui* tiin an sawi thin.

Hun kal zelah Kristian an pung zel a, Mission Veng (*tun hma chuan Pathian thuawih veng an ti thin*)-ah pawh mi an pung zel a. Biak In thar an mamawh avangin October 1911 Presbytery-ah sak that an dil a, phalsak an nih angin sak zui a ni. Biak In thar an sak dawn hian a tirah chuan tuna Mission Veng Bazar chung tlanga Babu Kison Roy-a in hmun (*tunah Pu Rochhinga in hmun ni ta*) chu Lt. Col. Loch chuan a thlang a. Mahse, mi in hmun luahlan ngawt chu kohhran

hruaitute'n a fel loa an hriat avangin tuna a awmnaah hian a dung ft. 50, a vang ft. 30-in an sa ta zawk a. A hmun hi Lalchhinga (*Lal Singh*)-te inthawina, Bawlhmun atana an hman thin a ni nghe nghe. Biak In sak thar chu April 17, 1913-ah luah tan a ni.

Biak In thar sa leh turin October 13, 1955-ah a lungphum phum a ni a. Biak In hlui zawk that loin, a dung ft. 60 leh a vang ft. 40-a zauin sak hnan a ni a, Biak In hlui chu October 1, 1957-ah that tan a ni. Biak In thar chu August 27, 1964-ah luah luh a ni. Hun rei tak hman a ni a, mi an pung zel a, an len tak loh hnuah a sir ve veah sak belh a ni a, a hnung lamah vestry sak belh a ni bawk. Tuna Biak In hi a pangana a ni a, kum 1998-a centenary lawm lain a lungphum phum niin, kum 2005-ah sak tan a ni a; April 6, 2011-ah hawngin luah tan a ni.



KUM 1913-A LUAH TAN BIAK IN (CHAPEL)




KUM 1913-A LUAH TĀN BIAK IN (CHAPEL)



CHAPEL THIAH HNATLANG



BIAK IN SAK HNATLANG



1964-A HAWN BIAK IN



17.08.1964-AH BIAK IN THAR HAWN A NI



1964-A HAWN BIAK IN CHU A SIRAH ZAWM BELH ZEL A NI



BIAK IN THLAHNA INKHAWM - 02.10.2005



BIAK IN THLAHNA INKHAWM MAH ZAIPAWL



BIAK IN THAR HNATLANG HMASA BER- 15.02.2005



BIAK IN THAR ARCHITECTURAL DRAWING



1964-a HAWN BIAK IN THIAH A NI



BIAK IN THAR SAK TAN



BIAK IN HMAN MEK HI 06.04.2011-AH HAWN A NI

CHHUAHTU: TLANGAU, SYNOD INKHAWM PUI THLEN COMMITTEE